

Počela je realizacija projekta gradnje hidroelektrane Vranduk na rijeci Bosni. Posao u vrijednosti od gotovo 112 i po miliona maraka trebao bi biti završen do 2020. godine. Investitor Elektroprivreda BiH osigurala je 22 miliona vlastitih sredstava. Ostatak su kreditna sredstva evropskih finansijskih institucija. Odabrani izvođač je joint venture austrijskog Strabaga i hrvatskog Končara.

“Ovo je ugovor tipa ‘ključ u ruke’ i on se sastoji od tri faze: projektiranje brane, izrada opreme i građevinski radovi, te testiranje i puštanje u pogon”, objašnjava Sladoljud Pezerović, voditelj grupe u BiH Strabag AG.

Na lokaciji budućeg gradilišta ni u narednih pola godine neće biti vidljivih radova, nužno je prethodno uraditi projektnu dokumentaciju, osigurati i isporučiti montažnu opremu.

Podsjetimo, početak istražnih radova na ovom energetsom objektu ozvaničen je daleke 2010. godine. Zašto je ovaj projekt bio na “čekanju” duže od pet godina? Iz Elektroprivrede BiH odgovaraju:

Projekat HE “Vranduk” podrazumijeva izgradnju složene proizvodne hidroenergetske građevine čije projektovanje i priprema izgradnje zahtijevaju rješavanje mnogobrojnih problema. Priprema izgradnje takvog objekta traži vrijeme i povlači niz „nevidljivih aktivnosti“ ispitivanja, istraživanja, snimanja, zatvaranja finansijske konstrukcije, rješavanja imovinsko-pravnih pitanja, administrativnih pitanja odobravanja građenja, nabavki itd. Minulih godina i sama ideja gradnje hidorelektrane Vranduk bila je povod za žestoke reakcije ekologa. Da je uprkos tome, Elektroprivreda BiH odlučna realizirati ovaj projekt bilo je jasno nakon što je s lokalnom zajednicom potpisan Ugovor o prijateljskom okruženju u vrijednosti od 1,4 miliona maraka. Ta su sredstva osigurana za izgradnju više od 30 infrastrukturnih objekata na širem području Vranduka, ali su, tako tvrde, najmanje dobili žitelji naselja Vranduk.

“Elektroprivreda je brzo okrenula brzo leđa Mjesnoj zajednici Vranduk, a ovdje su najlakše dobili okolinsku dozvolu, bez ijedne primjedbe na održanom zboru u Vranduku. Obećanja su bila velika prije nego što su dobili tu dozvolu”, kaže Besim Begić, predsjednik Mjesne zajednice Vranduk.

“Bilo je najava o rekonstrukciji vodovoda, ali ništa od toga nije urađeno”, dodaje žitelj Vranduka Mustafa Šehić.

Upravo to može biti razlog za negativan stav žitelja ovog sela prema gradnji ovog objekta. Izvođač radova vjeruje da otpora ipak neće biti.

“Naša je namjera upošljavanje i lokalnih privrednih subjekata koji mogu izvesti pojedine radove. Imamo osjećaj da ljudi očekuju taj posao”, kaže Pezerović.

Također, tokom gradnje ovog energetskeg kapaciteta izvođač radova ima obavezu izgraditi

BiH: Gradnja HE Vranduk trebala bi biti završena do 2020.

dio lokalnog puta koji će biti potpoljen pri izgradnji brane, te urediti postojeće lokalne puteve i obalu rijeke u neposrednoj blizini hidroelektrane.

izvor: indikator.ba